

疆

村

丛

书

禮

村

叢

書

遺山自題樂府引

世所傳樂府多矣如山谷漁父詞青筇笠前無限事綠
蓑衣底一時休斜風細雨轉船頭陳去非懷舊云憶昔
午橋橋下飲坐中都是豪英長溝流月去無聲杏花疏
影裏吹笛到天明三十年來成一夢此身雖在堪驚聞
登高閣賞新晴古今多少事漁唱起三更又云高詠楚
辭酬午日天涯節序愔愔榴花不似舞裙紅無人知此
意歌罷滿簾風萬事一身傷老矣戎葵凝笑牆東酒杯
深淺去年同試澆橋下水今夕到湘中如此等類詩家
謂之言外句含咀之久不傳之妙隱然眉睫閒惟具眼
者乃能賞之古有之人莫不飲食鮮能知味譬之羸瘠

老羝千煮百煉椒桂之香逆於人鼻然一吮之後敗絮
滿口或厭而吐之矣必若金頭大鵝鹽養之再宿使一
老奚知火候者烹之膚黃肪白愈嚼而味愈出乃可言
其雋永耳歲甲午予所錄遺山新樂府成客有謂予者
云子故言宋人詩大概不及唐而樂府歌詞過之此論
殊然樂府以來東坡爲第一以後便到辛稼軒此論亦
然東坡稼軒卽不論且問遺山得意時自視秦晁賀晏
諸人爲何如予大笑拊客背云那知許事且噉蛤蜊客
亦笑而去十月五日太原元好問裕之題

山谷先生詩集卷之四

遺山樂府目錄

卷之上

水調歌頭十一

木蘭花慢六

沁園春三

最高樓

滿江紅八

永遇樂

卷之中

石州慢二

滿庭芳附一

摸魚兒三附二

水龍吟附一

賀新郎

玉漏遲

念奴嬌

聲聲慢

洞仙歌二

八聲甘州二

江城子

十四

三奠子

行香子

感皇恩

促拍醜奴兒

附三

青玉案

婆羅門引

江梅引

附一

玉樓春

定風波

二

蝶戀花

三

臨江仙

附十五

江月晃重山

虞美人

二

小重山

二

鵲橋仙

三

惜分飛

南鄉子

五

踏莎行

桃源憶故人

卷之下

鷓鴣天

附二十七

品令

浪淘沙

六

南柯子

三

西江月

人月圓

二

太常引

五

眼兒媚

朝中措

十

阮郎歸

三

清平樂

十一

浣溪沙

十一

後庭花破子

附二

古烏夜啼

點絳脣

八

訴衷情

三

採桑子

謁金門

好事近

遣山樂府卷之上

太原 元好問 裕之

水調歌頭

少室玉華谷月夕與希顏欽叔飲醉中賦此玉華詩
老宋洛陽耆英劉几伯壽也劉有二侍妾名萱草芳
草吹鐵笛騎牛山閒玉華亭榭遺址在焉金堂玉室
嵩山事石城瓊壁少室山三十六峰之名也

山家釀初熟取醉不論錢清溪留飲三日魚鳥亦欣然
見說玉華詩老袖有忘憂萱草牛背穩於船鐵笛久埋
沒雅曲竟誰傳 坐蒼苔敲亂石耿不眠長松夜半悲
嘯笙鶴下遙天上金堂玉室地下石城瓊壁別有一

山川把酒問明月今夕是何年

二

與李長源游龍門

灘聲蕩高壁秋氣靜雲林回頭洛陽城闕塵土一何深
前日神光牛背今日春風馬耳因見古人心一笑青山
底未受二毛侵問龍門何所似似山陰平生夢想佳
處留眼更登臨我有一卮芳酒喚取山花山鳥伴我醉
時吟何必絲與竹山水有清音

三

緱山夜飲

石壇洗秋露喬木擁蒼煙緱山七月笙鶴曾此上賓天

爲問雲間鶴少老眼無窮今古夜樂幾人傳宇宙一
土城郭又千年一襟風一片月酒尊前王喬爲汝轟
飲留看醉時顛杳杳白雲青嶂蕩蕩銀河碧落長袖得
回旋舉手謝浮世我是飲中仙

四

庚辰六月游玉華谷回過少姨廟壁閒得古仙詞同
希顏欵叔譜詞中語爲之賦仙人詞今載於此夢入
雲山宮闕幽鷺鷺同侶鴛鳳流桂月竟夜光不收世
俗擾擾成囂湫醉飛星馭鞭金蚪八仙浪迹追真游
龜玉筌蹄四十秋摩霄注壑須人求覓劒如或笑刻
舟陽燧非無鹿里儔元鼎以來虛崑崙東井徒勞冠

帶修松餐竹飲度蜃樓嵩頂坐笑垂直鉤祇應慙愧
劉幽州又題知音者無惜留迹

興定庚辰六月望予與河南元好問趙郡李獻能
同游玉華谷將歷嵩前諸剎因過少姨祠元周行
廊廡得古仙人詞於壁閒然其首章直屋漏雨爲
所漫剝殆不能辨磴木石而上拂拭淅滌迫視者
久之始可完讀觀其體則柏梁事則終始二漢字
畫在鍾王之閒東井又元鼎所都幽州必賢子虞
也夫眷眷不忘幽州者非吾田疇尙誰歟田復所
事之讎卻曹瞞之賞衰俗波蕩中挺挺有烈丈夫
語氣其死而不忘蓋無疑其能道此語亦無疑觀

者不當以文體古今之變而疑仙語也噫仙山靈
岳宜有闕衍博大真人往來乎其閒而世人莫之
識也予三人者乃今見之夫豈偶然哉再拜留迹
以附知音者之末云渾源雷淵題

雲山有宮闕浩蕩玉華秋何年鸞鷟同侶清夢入真游
細看詩中元鼎似道區區東井冠帶事崑北壞壁淪風
雨醉墨失蛟蚪問詩仙緣底事愧幽州知音定在何
許此語爲誰留世外青天明月世上紅塵白日我亦厭
囂湫一笑拂衣去嵩頂坐垂鉤

五

興欽叔飲時予以同州錄事判官入館故有判司之

語

長安夏秋雨泥潦滿街衢先生閉戶轟飲鄰屋厭歌呼
慚愧君家兄弟半世相親相愛知我是狂夫禮法略苛
細言語任乖疏判司官一囊米五車書騎驢冠蓋叢
裏鞍馬避僮奴只有平生親舊歡笑窮年竟日未必古
人如酒賤可頻置時爲過吾廬

六

賦德新王丈玉溪溪在嵩前費莊兩山絕勝處也

空濛玉華曉瀟灑石淙秋嵩高大有佳處元在玉溪頭
翠壁丹崖千丈古木寒藤兩岸村落帶林北今日好風
色可以放吾舟百年來算惟有此翁游山川邂逅佳

客猿鳥亦相留父老雞豚鄉社兒女籃輿竹几來往亦
風流萬事已華髮吾道付滄洲

賦三門津

黃河九天上人鬼瞰重關長風怒捲高浪飛灑日光寒
峻似呂梁千仞壯似錢塘八月直下洗塵寰萬象入橫
潰依舊一峰閒仰危巢雙鵠過杳難攀人閒此險何
用萬古祕神姦不用然犀下照未必飲飛強射有力障
狂瀾喚取騎鯨客撾鼓過銀山

長源被放西歸長安過子內鄉置酒半山亭有詩見

及因爲賦此

相思一尊酒今日盡君歡長歌一寫孤憤西北望長安
鬱鬱閭門軒蓋浩浩龍津車馬風雪一家寒鐘鼓催人
老天地爲誰寬丈夫兒倚天劒切雲冠可能封塞包
□驅去復來還清廟千金康瓠短褐連城雙壁行路古
來難松柏在南澗留待百年看

九

史館夜直

形神自相語咄諾汝來前天公生汝何意寧獨有畸偏
萬事粗疏潦倒半世棲遲零落甘受眾人憐許汜臥牀
下邳壹倚門邊五車書都不博一囊錢長安自古歧

路難似上青天雞黍年年鄉社桃李家家春酒平地有
神仙歸去不歸去鼻孔欲誰穿

長壽新齋

蒼煙百年木春雨一溪花移居白鹿東崦家具滿樵車

舊有黃牛十角分

去聲

得山田一曲涼薄了生涯一笑顧

兒女今日是山家

四

簿書叢鈴夜掣鼓晨撾人生一枕

春夢辛苦趁蜂衙竹里藍田山下草閣百花潭上千古

占煙霞更看商於路別有故侯瓜

十一

未幾回萬里風雲袂去邊城正仲夏天山人

汜水故城登眺

萬里風雲袂去邊城正仲夏天山人

牛羊散平楚落日漢家營龍拏虎擲何處野蔓冒荒城
遙想朱旗回指萬里風雲奔走慘澹五年兵天地入鞭
箠毛髮慄威靈一千年成皋路幾人經長河浩浩東
注不盡古今情誰謂麻池小豎偶解東門長嘯取次論
韓彭慷慨一尊酒胸次若爲平

摸魚兒

正月二十七日予與希顏陪馮內翰文游龍母潭韓
吏部釣於龍潭遇雷事見天封題名卽此地也旣歸
宿於近潭田舍翁家是夜雷雨大作望潭中火光燭
天明日旁近言龍起大槐中父老云正月龍起前此
未見也龍潭寺南窪尊馮丈所名